



29. januar 2019

Inatsisartut suleriaasianni §37 naapertorlugu apeqqutit imaattut Naalakkersuisunut ingerlatippakka

Naalakkersuisunut apeqqut:

- 1. Ulloq unnuarlu angerlarsimaffiit pillugu nalunaarut nutaaq ulluni sorlarni tusarniaassutigineqarsimava?**
- 2. Ulloq unnuarlu angerlarsimaffiit pillugit nalunaarut nutaaq kikkunnet tusarniaassutigineqarsimava?**
- 3. Tusarniaanermi nalunaarut nutaaq pillugu ulloq unnuarlu angerlarsimaffinnut namminersortunut toqqaannartumik tusarniaassutigineqarluni nassinneqarsimappat?**
- 4. Nassinneqarsimappata piffissami tusarniaanerup nalaani ulloq suna nassinneqarpat?**
- 5. Ilumoorpa ulloq unnuarlu angerlarsimaffiit siulersuisuisa kikkunnik inuttalersugaanissaat pillugu nalunaarummi nutaami aalajangersaasoqarsimasoq?**
- 6. Ulloq unnuarlu angerlarsimaffiit namminersortut sulisuminnik akissarsiaqartitsinerat pisortat ulloq unnuarlu angerlarsimaffiutaanniik qaffasinnerusumik akissaasersuippat?**
- 7. Ulloq unnuarlu angerlarsimaffinni meeqqat najugaqartut kissaatigippassuk ineeqqami ataatsimi najugaqatigiissinnaanerit nalunaarummi periarfissaajunnaartoq?**
- 8. Nalunaarummi pisoqqami nalunaarummilu nutaami meeqqat pisinnaatitaaffiik illersuinerulerneq sutigut pisoq Naalakkersuisut tunngavilersorsinnaavaat?**
- 9. Ulloq unnuarlu angerlarsimaffiit namminersortut siulersuisuisa inuttalersorneqarnerat nalunaarummi piumasaqaatigineqartoq assigalugu pisortat aningaasalersugaanni allani siulersuisoqarnikkut aamma Naalakkersuisut piumasaqaasersuinissartik naatsorsuutigaat?**
- 10. Atuarfiit namminersortut, suliffeqarfiit sanaartortut pisortaniit aningaasaliiffigineqartartut, ingerlatsiviit inuiaqatigiit aalisagattassaannik aningaasarsiornikkut ingerlatsisut allarpassuillu siulersuisuisa inuttalersugaanerit pillugu Naalakkersuisut nutaamik piumasaqaateqalersaarpat?**
- 11. Isumaginninnermut Naalakkersuisup uppersarsarsinnaavaa nalunaarut nutaaq Naalakkersuisut ataatsimoortut isummerfigisimangikkaat, tamanna taamani Isumaginninnermut Naalakkersuisut nammineq atsiorsimagaa?**
- 12. Nuummi, Kangerlussuarmi aamma Maniitsumi ulloq unnuarlu angerlarsimaffiit namminersortut Naalakkersuisuniit qanoq politikkeqarfigineqarpat?**
- 13. Meeqqat pisinnaatitaaffii nukittuumik atuutsinneqaqqullugit ulloq unnuarlu angerlarsimaffiit qanoq ittut Naalakkersuisuniit pilersinniarneqarpat?**



- 14. Unammilleqatigiinneq pillugu Inatsisartut inatsisaat tunngavigalugu aalajangersakkat malillugit suliffeqarfiit namminersortut aningaasaqarnerat qanorlu siulersuisoqarnerat pillugu equtitsisumik aalajangersaasoqarsimasoq Naalakkersuisut uppersarsinnaavaat?**
- 15. Isumaginninnermut Naalakkersuisup nalunaarut suleqatigiinnerulernermik kinguneqanngitsoq, meeqqallu kissaatigisaannut ilaatigut killiliisoq allanngortinneqarnissaa siunertaraa?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut

Nalunaarut ulloq unnuarlu angerlarsimaffinnut tunngassuteqartoq pillugu suliap qulaajarluaqqissaarneqarnissaa siunertaralugu paasissutissat amigarput. Suliffeqarfiit namminersortut aammalu naalakkersuisoqarfiup akornanni pissutsit assut ilungersunartumik ingerlanneqarput. Isumaginninnermut Naalakkersuisoqarfiut tamakkiisumik qulaajaanissaa pisariaqarpoq. Nunatsinni suliffeqarfiit namminersortut qulaani taasakka ilungersunartumik aammalu aningaasarpassuarnik naleqarsinnaasumik aaqqiagiinngissuteqalersinnaanerit periarfissagissaarpoq.

Naalakkersuisut nalunaarut pillugu ajornartorsiutaasut aaqqinniarneraat allannguuteqartinniarneraalluunniit paasisariaqarmat apeqqutit ullut qulit qaangiutsinnagit akineqarnissaat kissaatigaara. Ilaatigut Inatsisartuni suliat pingaarutillit nangeqqinneqarnissaat angumerisinnaaqqullugu.